

BOK-RAPPORT

Willie le Roux Sy skopvoet makeer aandag, sy verdediging is nie goed genoeg nie en hy gee Bok-ondersteuners hartkloppens. Maar hy was ook al rede dat 'n mens na 'n uur nog kon hoop ...	6
Jesse Kriel Waerom dié skitterende jong speler oopsluit sy tweede relatief nuwe posisie op toetsvlak binne 'n maand moes uit-toets, weet nugter. Dit was 'n verkwisting van seldsame talent.	4
Jean de Villiers As die Wêreldbekertoernooi volgende week was, was daar pêre vir die terugkerende Bok-kaptein. Hy het goeie dinge gedoen, maar is duidelik nog lalk verroes.	5
Damian de Allende Het nie naastenby dieselfde indruk op die wedstryd gemaak as in die res van die Rugbykampioenskap nie, maar hy kan nietemin relatief tevreden gaan slaap het.	6
Bryan Habana Die Bok-vleuel het – vir die soveelste keer dié kort seisoen – maar min kans gekry, maar het darem 'n drie gedruk met een van die weiniges.	6
Handré Pollard Het een van sy heel goorste dae op die toetsveld gehad, wat geëindig het met enkele toeskouers wat hom luidkeels uitjou. Hy sal weer sy staal toon.	4
Ruan Pienaar Net nadat hy sy kritici stilspel teen die Wallabies en die All Blacks, het hy gister kleigetrapp agter sukkelende voorspelers en hy kon nie veel doen aan die Bokke se lot nie.	4
Schalk Burger Burger is van meet af aan deeglik gemaak deur die besoekers en was nie soveel van 'n faktor as skeppende speler nie. Het nietemin enduit ingeklim.	6
Marcell Coetzee Baie geesdrif, maar min effek. Word laat in die wedstryd mank van die veld gehelp en die Suid-Afrikaners sal hoop dis niks ernstig nie, so kort voor die Wêreldbeker.	4
Heinrich Brüssow Vir 'n speler soos dié Vrystaatse buksie is dit nag as sy voorry opgekeel word. 'n Klein baljagter-flank is nie doeltreffend van die agtervoet af nie.	4
Lood de Jager Die naaste ding wat die Bokke gister aan 'n uitblinker op die veld gehad het, maar het self twee liederlike blapse op die verdediging begaan.	7
Eben Etzebeth Het – soos elke naweek – behoorlik ingeklim en skoonmaak (sowel as om 'n lynstaanbal te steel), maar het nie soveel impak as vroeër in die reeks nie.	6
Vincent Koch Dis mos kansvat om 'n groen vaskop, wat anderdag boonop sy ribbes beseer het, te laat debuteer teen die mees gevreesde loskopstut in wêreldrugby?	4
Bismarck du Plessis Die tuisspan se klipharde haker was ywerig en meestal doeltreffend in die meeste aspekte van die spel, maar hy het ook 'n paar keer ongedwonge foute begaan.	5
Tendai Mtawarira Die Beast het ook nie 'n watwafferset middag belewe nie; dié keer moes die keurders wel met die jonger man – Trevor Nyakane – gewaag het.	4
PLAASVERVANGERS en BLASER	
Adriaan Strauss (5): Besiger as in 'n wyle, maar waar skuil die ou yster? Trevor Nyakane (6): Die enigste stut wat regop bly staan het aan Springbok-kant. Marcel van der Merwe (4): Ook maar strafskoppe afgestaan. Pieter-Steph du Toit (5): Werk gesoek; bal paar maal gedra. Een maal aangeslaan. Siyu Kolisi (5): Nie veel indruk gemaak nie. Cobus Reinach (5): Weer lewendig, maar soms oorhaastig. Pat Lambie (6): Een of twee keer goed geskop en verdedig. Lwazi Mvovo (6): Werk gaan soek en hard gehardloop. Romain Poite (3): Pedanties, wisselvallig, soms in die pad en soms in 'n dwaal. Maar dis nie sy skuld dat die Bokke verloor nie.	

Durban: Dit was nie 'n grap nie - dit was 'n siek grap**Katastrofies!**

Schalk Burger word gister amper uit sy broek gedruik deur Juan Manuel Leguizamon van Argentinië.

FOTO: DEAN VIVIER



Oeps, oeps en nog 'n oeps ... Bryan Habana en Ruan Pienaar tas gister in Durban vergeefs na die bal terwyl die Argentynse verdedigers om lewe en dood têkkel.

FOTO: DEAN VIVIER



Tomas Lavanini troon bo die Springbokke uit in die lynstaan.

FOTO: STEVE HAAG/GALLO IMAGES



Damian de Allende sit gister in Durban op 'n seldsame lopie af.



Heinrich Brüssow soek gister in Durban die gaping tussen die Argentynse Jeronimo de la Fuente en Pablo Matera.

FOTO: DEAN VIVIER